

國子監志

國子監志卷十五

學志七

五經博士

世襲五經博士額設以奉祀事獨衍聖公次子承襲餘皆以嫡長無嫡長方以次子無嫡子方以庶子承襲其應承襲者十五歲以上送禮部考試乃給劄承襲凡遇

臨雍大典則隨衍聖公後觀禮

謹案我

朝增設各後裔五經博士十有七員

隆禮崇報。亙古莫與比美。舊志竝未編入。茲遵會典。現

行市例。詳載如左。其非從祀

廟庭得選世襲者。概從略焉。

順治元年。

命孔允鉅。顏紹緒。曾聞達。孟聞璽。承襲五經博士。

又定先賢仲氏嫡裔承襲五經博士。

九年。禮部覆准。南宗孔氏世襲五經博士。遴選

嫡裔承襲。於浙江衢州府西安縣奉祀。

十二年。禮部覆准。宋儒朱子有功聖學。應照先賢顏曾思孟後裔世襲之例。考其宗譜嫡裔。由部咨吏部給劄。授為五經博士。於江南徽州府婺源縣原籍奉祀。世襲罔替。

康熙九年。禮部覆准。宋儒二程子。照予朱子後裔世襲之例。考其宗譜嫡裔。各給劄授為五經博士。奉祀祠廟。

二十四年。禮部議准。宋儒周子後裔。照二程子朱子之例。予以五經博士。給劄世襲。

二十六年。禮部覆准宋儒張子子孫照先儒周程朱三氏後裔之例。予以世襲五經博士。

詔以張載乃前代名儒。其子孫既予職官。必真正嫡派。方無負崇儒重道之意。遵

旨詳加查覈宗譜宗圖。果係嫡裔。具題給劄。授為世襲五經博士。

二十九年。禮部議准宋儒朱子之父松。因厯官閩土。遂家於閩。故有閩徽二派。查舊典朱子賢裔。原有博士二員。請將朱子十八世孫朱滌承

襲五經博士於福建崇安縣奉祀照例給劄與江南婺源同

三十八年禮部議准先賢閔氏端木氏後裔照仲氏後裔世襲例各按照宗譜以其嫡裔授為五經博士

四十一年禮部議准宋儒邵子後裔照周程張朱之例考其宗譜給劄授為五經博士

五十一年禮部覆准先賢言子後裔照閔氏端木氏之例授為五經博士給劄世襲

五十九年。禮部議准先賢卜氏按照宗譜以其嫡裔授為世襲五經博士。

雍正二年。

世宗憲皇帝臨雍講學禮成。

召見衍聖公次子候襲五經博士孔繼溥。暨來京陪祀之五氏後裔。

諭曰。爾等皆是聖賢後裔。與衆不同。然身為聖賢後裔之身。必心為聖賢後裔之心。方不愧先聖先賢。今因爾等遠來。特召見面。諭願爾等慎修厥德。以繼家聲。

勉之勉之。

又

諭九卿等先賢先儒之後孰當增置五經博士以昭崇報會同詳考定議以聞時九卿等議得冉伯牛等六人宜訪嫡裔增置世襲五經博士又

諭宰予冉有增置博士之處著再公同確議務期至當不易尋遵

旨再議宜增置博士者四人又

諭禮部等衙門先賢冉雍冉伯牛子張有若四人後裔

均著增置五經博士一人予以世襲

又禮部議准博士子弟應承襲之人若不讀詩書不識禮義濫膺承襲有玷先賢先儒殊負

聖朝崇儒重道之意應由衍聖公及該督撫查明本支嫡派子孫年十五以上者具文給咨送部考試四書文一篇果文理通曉照例註冊俟襲職時具題給劄劣者送監肄業三年方准承襲如年未及歲咨部暫行註冊俟及歲時送部考試若無應繼之人別擇親友暫行主祀俟應繼有

人先行咨部註冊及歲時照例咨送辦理

乾隆元年

高宗純皇帝臨雍講學禮成

召見衍聖公孔廣森暨來京陪祀之十三氏後裔

諭曰爾等皆聖賢後裔因朕臨雍來京特行召見爾等

既為聖賢之後即當心聖賢之心凡學聖賢者非徒
讀其書而已必當躬行實踐事事求其無愧方為不
負所學況身為聖賢子孫尤與凡人不同若不能實
加體驗徒負讀書之名實與祖德家風不能無忝爾

等務須勤思勉勵克紹先傳副朕蒞初期望之意

又禮部議准韓愈三十代孫韓法祖授為世襲

五經博士

嘉慶七年禮部議奏秦博士伏子勝口授尚書
典謨訓誥之文賴以不墜傳經之功甚鉅既據
該撫查明祠墓碑記遺蹟尚存嫡派子孫世系
可考請將伏子勝六十五代孫伏敬祖立為五
經博士以崇祠祀得

旨允行

附

明

景泰二年命禮部召取顏孟子孫長而賢者各一人至京師官之明年以顏希惠孟希文為五

經博士

闕里文獻考

六年命修先賢顏曾程朱祠宇令其子孫世襲

五經博士

學典

成化十二年命宋儒朱子十世孫朱燦襲五經

博士奉祀事

同上

正德元年授衢州聖裔世襲博士主衢州廟祀

同上

謹案宋南渡時衍聖公端友扈蹕徙衢傳五世至洙元世祖召至京欲令襲職以墳墓在衢力辭乃讓於曲阜宗弟治自是曲阜世襲為公而嫡派之在衢者遂無祿是年沈杰求端友後得彥繩請於朝授以世官俾主衢祀

三年置子思廟主祀博士

同上

謹案時衍聖公孔聞韶奏子思廟在鄒南去魯

五十餘里。主祀闕人。請擇族中之賢者。授以博士世職。俾主其祀。且以母弟聞禮名上。從之。闕里文獻考作孔公璜請。未詳孰是。存之以備參攷。

嘉靖十八年。授先賢曾子之後一人。世襲五經

博士。

同上

謹案。先是。顧鼎臣上言。孝宗時。曾錄顏孟子孫各一人。為五經博士。以奉祀事。可謂盛舉。至於曾子之後。獨不沾一命之榮。亦古今闕典也。乃

詔求曾子後人至是得曾質粹於江西遂有是命並令遷山東之嘉祥縣奉曾子廟祀

崇禎十六年詔授先賢仲子嫡裔仲子陞為五

經博士

開里文獻考

議案從衍聖公孔衍植請也

又案博士之設

孔廟則昉於梁天監四年至明景泰三年以顏孟子

孫為之併識於此

國子監志卷十六

學志八

算學

國子監算學生滿洲十二名蒙古漢軍各六名漢人十二名又欽天監附學肄業生二十四名共六十名凡滿洲蒙古漢軍算學生俱於八旗官學生中考取漢人算學生無論舉人貢生生員童生由監會同算學考取欽天監肄業生由該衙門奏撥算學肄業

謹案算學向例止附八旗官學乾隆三年始令
欽天監另立算學四年始以算學隸國子監茲
謹就現行則例開載其歷年增定章程附誌於
後

康熙九年

聖祖仁皇帝以天文所繫極大必選擇得人令其專心
肄習方能通曉精微

詔選取滿洲官學生六人漢軍官學生四人令欽天監
分科教肄

五十二年設算學館於

暢春園之蒙養齋簡大臣官員精於數學者司其事

特命皇子親王董之選八旗世家子弟學習算法

雍正十二年果親王奏准八旗官學增設算學教習十六員每旗擇學生資質明敏者三十餘人定於每日未申兩時教以算法

乾隆三年兼管監事尚書孫嘉淦奏准官學之設專為教養八旗子弟以讀書繙譯為業算學

理數精微。非童稚所能驟通。況以一時之暫教授三十餘人。勢難徧及。算法乃欽天監專司。令其酌量辦理。所有官學生教習算法之例。概行停止。

又禮部議准。欽天監附近處。專立算學一所。額設教習二人。滿漢學生各十二人。蒙古漢軍學生各六人。算學教習。即以奏停八旗官學內教習算學之人充補。五年期滿。訓課著有成效者。交部議敘。舉人筆帖式充補者。以靈臺郎用。貢

監生員充補者以挈壺正用官學生算學生充補者以博士用其奏停教習補竣之日即於學生中擇習業有成者考選充補滿洲蒙古漢軍算學生即於八旗官學生內擇其從前曾學算法資性相近而願學者不拘旗分選取漢人無論舉貢生童或世業子弟願入學者取同鄉京官印結具呈國子監會同管理算學大臣考試錄用五年期滿學有成效者滿洲漢軍學生由該管大員會同欽天監秉公考取擬定名次咨

吏部註冊遇本旗天文生員缺挨補天文生每旗滿洲二人漢軍一人向無蒙古今算學生既有蒙古六人為數無多應與滿洲算學生一同考送吏部按定名次歸本旗補用漢學生期滿竝得考取舉人引

見以博士用貢監生童以天文生用

又議准算學生功課以

御製數理精蘊分為線面體三部每部各限一年通曉七政共限二年其初學者由線部按次肄習填

註課簿。期於精熟。月有課。春秋有季考。歲終則
算學會同欽天監大試。分別勤惰去留。

四年。

命以算學隸國子監。自是文移吏牘俱以監印鈐之。稱
國子監算學。

又禮部奏准算學額設漢算學生十二名。由國
子監豫行曉諭。無論舉貢生童均取具同鄉京
官印結收考。會同管理算學大員。公同考取充
補。

六年。管理算學少卿成德等奏准滿洲蒙古漢軍算學生俱與八旗官學生一體考試。恩監又漢算學生中有由舉貢生員考取者得應鄉會試。惟由童生考取者籍非順天則無考試之例。但既在學肄業不能回籍考試。應照八旗官學生之例亦准其考試。恩監

十年。欽天監奏准將肄業天文生二十四名交與算學館附學肄業。又選學業有成之算學生協同教習分教一應訓課。應試考取天文生均

與算學生同

十二年。禮部議准算學額設教習三人外添設協同分教三人。教習未滿五年。分教未經實授。遇有升任。仍畱教習。令滿五年。奏准議敘。

二十五年。吏部議覆學未成效之算學生。准照官學生之例。一體送考庫使。

道光五年。管理算學侍郎宗室敬徵奏准算學考試五年期滿。漢軍隨學學生曹業全推算圖說詳明。學有成效。與算學生一體報滿。

六年管理算學侍郎宗室敬徵奏准算學一切文移照舊鈐用助教關防以備糾核

又奏准算學分教如係候補之人另給膏火無庸在算學生額內扣撥

謹案元明二代不立算學惟元世祖至元六年令蒙古子弟習算見於續文獻通考明太祖洪武二十五年令國子生習算見於明太學志又宣宗實錄載宣德四年會令國子監諸生習算而考厥由來只以歷事諸生不通算數俾之畧

為肄業。足以清楚公牘而已。教之不專。課之無
法。與今國子監算學。設官專習者。迥不相涉。故
概從刪削云。

國子監志卷十七

學志九

勳廕

國子監肄業廕生有三。曰恩廕。凡職官恭遇

覃恩特

詔廕子。文職在京四品以上官。在外三品以上官。武

職二品以上官。竝送一子入監讀書。三年期滿

聽銓。年十五歲以上。願在家及隨任讀書者。咨

部註冊。曰特廕。凡內外大臣宣力有年。特選

寵命。廕一子入監讀書。六月期滿聽銓。曰雖廕凡職
官歿於王事者。按所任應升品級加贈。竝廕一
子入監讀書。六月期滿聽銓。定例三品以上子
孫為廕生。三品以下子孫為廕監生。世爵與宗
室覺羅及內務府佐領下包衣佐領下一體與
廕。凡廕生承廕必以嫡長子孫。嫡長子孫已仕
或有故始廕嫡次子孫。無嫡始廕庶長子孫。嫡
庶皆無始廕弟及兄弟之子。應繼其祀者。凡子
孫在

恩詔後始生及緣事治罪者均不得承廕

順治元年定漢人卹廕生難廕生考滿廕生坐監以六閱月為滿恩廕生官生以二十四月為滿又滿洲蒙古漢軍廕監生十歲以上入監讀書竣至十八歲考試各部

三年吏部題准官員殉難者俱照本官應陞品級酌加贈廕委署不議卹

八年吏部奏定職官不論現任及丁憂給假候補者俱照職銜予廕

九年定內外滿漢三品以上官三年任滿勤事以死者俱准贈銜廕子

十一年祭酒固爾嘉渾奏准覺羅廕生廕監生視各官恩廕生例送監讀書期滿送宗人府按品銓授

十八年

恩詔凡護軍統領副都統侍郎以上之子俱為廕生其餘各官之子俱為廕監生

又吏部題准各官非現任者不廕包衣佐領下

官員不與廕

又題准八旗當承廕之子孫未承廕之先曾緣事鞭責者不得廕

康熙三年吏部題准滿漢各官緣事革職其廕子未仕者停廕已仕者照舊供職降調之員卽未仕者亦不停廕

又議定三品以上病故官不贈廕

又題准滿漢各官廕生廕監生已得官職及科目中式者不得補廕

四年

恩詔以得承蔭者先送國子監讀書後授官職

謹案順治元年奉

旨滿洲官員子弟有願讀清書或願讀漢書及漢官子

弟願讀清漢書者俱送入國子監嗣後十三年停止

四品以上官送子弟入監十六年停止四品以

下官生入監至是始

命蔭生得入監焉

六年吏部議准各官不論加級及官保各銜俱

照實俸廕子。

又議定內務府佐領下官員子弟俱准廕。

又題准各官廕生廕監生俱核明予廕以後稱遺忘請補廕者不准給。

九年。

諭吏部兵部向來包衣佐領下官員子弟不准為廕監生其筆帖式無有品級今思內外官員效力相同加恩豈宜有別。包衣佐領下官員子弟准為廕監及筆帖式給與品級之處爾部定議具奏。尋部臣遵議包

衣下一品官子弟許其承廕二品至四品各廕一子入監讀書

十年吏部題准官員文職既革尚餘武職者仍畱廕

十二年吏部題准以原品解任食俸官員各視其品秩廕子

又定凡八旗漢軍廕生廕監生或通清文或兼通清漢文願於部院衙門錄用者移送國子監考試於策論判語酌量出題並令繙譯清漢文

一篇嚴加關防彌封各卷擇文理優通者送吏部銓用未取者還官學讀書其滿洲通漢文廕監生不與試至十三年停止考試策判

十三年定漢軍漢人各官廕監生俱聽國子監考試文理優通者咨部銓用其吏部考試之例停止

二十二年定覺羅廕生廕監生由國子監考試移送吏部銓用

三十九年吏部議定廕生廕監生由直省督撫

及所司衙門題奏送監讀書年滿各部銓用
五十二年

諭王大臣未入八分公以下鎮國將軍及宗室內為一
二品大臣者俱准給廕其入監讀書後卽令隨旗行
走

雍正元年吏部議准廕生廕監生內除願就武
職行走者照所得品級隨旗行走外其現在通
曉文義者交與吏部分給各部院驗試行走其
未能通曉而學習文義者將十五歲以上送國

予監讀書。年滿學成。移咨吏部彙齊十八人。奏聞。依次均分各部院學習行走。按班銓用。有幹練者。堂官卽行具題。照品卽用。尋又

諭大臣等。所得廕生廕監生內。二十歲以上者。分給各部院學習行走。外省大臣各官得廕之廕生廕監生。有願在家讀書者。以聞。

又定廕生廕監生。俱於到部時。考試繙譯寫字。再行分部。其世襲官員。所得三品廕生內。考試有列優等者。賜以所應得原品。

二年

諭吏部恩詔內漢大臣廕生缺少壅滯不得補用著將年二十以上者查明人數題請考試其在外省有情願來京考試者亦著一體考試限明歲八月赴考

又

命世職一品二品俱視三品職官例予廕

七年吏部奏定各項廕生廕監生有二三入到部卽考試履歷進

呈引

見。

乾隆元年

命八旗世職年二十以下者分撥各旗官學讀書每旗增設漢教習一人並各撥教射教習一人教之

三年吏部奏准八旗世職入官學讀書者三年期滿引

見錄用其有雖滿三年而年未及二十者仍畱學讀書

四年吏部奏准文武官廕生廕監生未嘗出仕

中式而病故及以病殘廢者均許別將

詔前所生子孫由部核明奏聞補廕仍計原廕廕生
予廕之年月選授其承廕監生已得官職及科
目已中式者不得補廕已補而又病故殘廢者
不得復行請補再文武官廕生廕監生肄業期
滿由監咨部除已經補用外其註冊而未授者
得廕之官革職其子孫奪廕其左遷而尚餘微
職者所廕免革若得廕之官革職復還原職或
還職後別緣事左遷及革職後奉

特旨起用品與原秩相當或在原品上者均許其將
原廕之子孫咨部奏聞還其原廕倘原廕之人
殘廢病故或於奪廕後業經出仕中式者聽其
別將

詔前所生子孫咨部具題補還原廕仍照先時予廕
年月註冊銓用

十一年吏部奏准廕生到部試以古論及時務
策奏請

欽派大臣閱卷恭呈

御覽其文理優通議論明暢者照例辦理荒謬者發
回讀書三年後再行考試閱卷大臣卽於摺內
聲明停其引

見

十二年吏部議定廕生到部守候已逾三月尚
無續至者卽奏請考試引

見

十七年定八旗世職旣於兩翼設官學以訓之
應將現在於國子監所屬之官學肄業者咨回

各旗並裁八旗官學增設之漢教習其弓箭教習亦令回旗別用

三十四年

諭吏部內外文武大臣皆分職任事為國宣力分應予廕世爵公侯伯等祖父勲德懋著錫慶承家卽照一品予廕亦與延賞之義相符若子爵男爵之一品二品或先世績本稍微或承襲久而遞減平日竝無職任不過朝期上班及本旗應差不應與內外大臣公侯伯等一體予廕著照雍正二年

諭旨子爵視三品官男爵視四品官下部議行

四十五年吏部奏准承蔭人員除嫡長子孫出仕及有故者仍照例改蔭嫡次子孫其嫡長子孫雖有科名尚未選用及別項職銜有情願承蔭者仍准其一體補蔭

五十六年吏部奏准考試蔭生題目恭請

欽命

嘉慶二年吏部題准蔭生年十五歲以上者劄送國子監肄業其有情願在家讀書及隨任讀

書者各部註冊

四年吏部奏准四品官廕監生應請一併考試以縣主簿州吏目二項歸考職班內輪選

五年吏部奏准文武官廕生廕監生業經遵例加捐京外各官分部學習分省試用原廕官遇有革職事故免其革廕

八年吏部奏准文武官廕生如先得廕之官因事革職續經起用而銜缺尚小其應廕之人各部註冊不准引

見。竢陞擢與原官相當及在原官以上再行查辦
十一年吏部奏准文職漢廕生其隨任在京在
外人員必須人文到部文內聲明赴部字樣方
准考試帶領引

見

附

元

至元二十五年修國子監以居冑子

續文獻
通考

謹案元史選舉志太宗六年命侍臣子弟十八

人入學。世祖至元七年。命侍臣子弟十有一人入學。八年。選胄子托克托穆爾等十八肄業國學。俱在二十四年未修國子監以前附識於此。二十七年。勅從臣子弟入國子學。同上大德八年。增置國子生。選宿衛大臣子弟充之。

同上

至大二年。擇衛士子弟充國子學生。同上

至治元年。命世家子弟成童者入國學。同上

謹案元史世祖至元八年始立蒙古國子學。於

隨朝百官及集賢台官員選子弟俊秀者入學
大抵元之世爵俱入此學而不在集賢院所屬
之國子學也故稍載崖畧以存一代規制

明

明初因前代任子之制文官一品至七品皆得
廕一子以世其祿後乃漸為限制在京三品以
上方得請廕謂之官生出自特恩者不限官品
謂之恩生或卽與職事或送監讀書既從廕敘
由提學官考送部試如貢生例送入國子監

史明

選舉志

成化三年令大臣三品以上子孫許一人入監
照監例出身從助教李伸請也給事中李森以
為不可帝諭責其刻薄第令非歷任年久政績
顯著者毋得濫敘

續文獻
通考

謹案明自宏治以後凡京官三品以上已經考
滿許一子廕敘免考送監惟未及一考及有過
勅退或年遠而由雜流出身者乃不許廕其廕
子未仕物故許其補廕無子者許廕繼嗣之子

若例得廢子而先沒者許其子孫陳乞其中亦有有子而願廢其姪者或有以廢而舉於鄉復以其次子補廢者有以嫡子之子補敘至孫會者凡登極冊立邊功加恩及常典之外私情陳乞皆得予廢世祿之子由此冒濫梯榮其卓然有勲業可紀者蓋什不一二焉

十年令公侯伯駙馬初襲授者送監讀書習禮

祭酒循學規以教之情不率者以聞

辟雍紀事

謹案明太祖洪武元年命品官子弟充國子生

二年命功臣子弟悉入監辟雍紀事所載蓋循舊例而復加申明也

十八年禮部奏請廕生入監必先試經書大義

非優通者勿許

續文獻通考

宏治十八年定例東宮侍從官講讀年久輔導

有功者歿後子孫乞恩禮部奏請上裁

明史選舉志

正德元年定東宮侍從官年勞已及三年者一

子卽授試中書舍人習字未及三年者一子送

監讀書

同上

八年定東宮侍班官三年者一子入監

同上

十六年定例文武官死於忠諫者一子入監

同上

謹案建文元年以吳雲死節雲南錄其子為國

子生是為恩生之始後守土官死節皆得廢子

嘉靖元年令公侯伯未經任事年三十以下者

送監讀書尋令已仕者亦送監

同上

萬曆十二年定例三品日講官雖未考滿一子

入監

同上

國子監志卷十八

學志十

外藩入學

外藩就學國子監者有琉球學有俄羅斯學俱不常設或該國王奏請奉

旨俞允乃令其所遣陪臣子弟入學讀書由監臣遴貢生為教習又派博士助教等官董之學成遣歸

康熙二十三年冊封使臣汪楫林麟焟自琉球

還疏言中山王臣尚貞親詣館舍懇為轉奏願
令陪臣子弟四人赴京受業得

旨允行。至二十七年琉球國王遣其子弟梁成楫鄭秉
均阮維新蔡文溥四人隨貢使耳目官魏應伯
至京。

諭禮部琉球國送到陪臣子弟三人入監讀書著安置
得所。尋選取肄業貢生一人令其教習博士一員專
司董率祭酒司業時為稽察俾之講習有成焉。
三十年琉球國王臣尚貞疏奏前陪臣子弟入

學已久乞許歸養得

旨遣歸

五十九年冊封使臣海寶等疏稱中山王臣尚敬願遣陪臣子弟入監讀書得

旨允行。至雍正二年琉球國王遣其子弟鄭秉哲、鄭謙、蔡宏訓至監。秉哲等自陳願學為四書五經義。因選拔貢生李著為教習以訓迪之。時適博士缺員。派學正顧蒙董率國子監堂上官以時稽察如舊制。是年蔡宏訓病故。

特賜白金三百兩。以二百兩交貢使附歸其家。以一百兩交禮部官於近京地方營葬。

六年琉球官生鄭秉哲等以父母衰老倚閭望切請得歸國終養。經部議准。前此琉球官生入監者由其國王疏請遣歸。始令其馳驛還國。今鄭秉哲等雖未經其國王疏請。但懇乞歸養。乃人子之孝思。且情詞真摯可憫。應請令其歸國。續奉

旨。照通事例。賞以大綵緞各一匹。裏綢各一匹。毛青布

各四匹。僉從二人。亦賞毛藍布各四匹。禮部筵宴一次。給驛令同貢使毛汝龍等返國。

又俄羅斯遣其陪臣子弟魯喀佛多德宜琬喀喇西木米海拉等詣京懇請肄業。

詔卽舊會同館設學。

命王大臣簡選助教引見。以滿助教胡什圖。漢助教陳憲祺專掌教事。

乾隆六年。理藩院奏准。俄羅斯奏遣陪臣子弟入學習讀清漢書。國子監於滿漢助教內簡選

二人專掌教事

十五年兼管監事侍郎觀保等奏准俄羅斯學滿漢助教遇有陞遷事故應更換者由監臣揀選八旗六堂助教文理明白者派令管理咨明吏部理藩院存案

二十二年冊封使臣全魁周煌自琉球還疏言臣等奉使將旋中山王臣尚穆詣館設宴送臣令陪臣通事向臣等致辭懇請許其遣陪臣子弟入學部議應如所請令於應貢之年來學至

二十五年。禮部劄送琉球國陪臣子弟鄭孝德、梁允治、蔡世昌、金型入監。本監選取拔貢生潘相為教習以訓迪之。並派博士張鳳書助教林人樞、董率堂上官稽察如定制。

二十五年。梁允治、金型相繼病故。

詔從雍正二年例。調卹。

二十六年。恭遇。

孝聖憲皇后七旬萬壽聖節。琉球官生鄭孝德等隨國子監肄業諸生恭。

進詩冊又呈請隨班迎

駕時監臣為之代奏得

旨允行十一月二十五日

高宗純皇帝親奉

安輿由

圓明園還

宮國子監官率諸生恭迎於西直門內時孝德等

派助教二員率之跪於道左

高宗純皇帝霽顏顧問

駕還宮。

特賜孝德等緞匹。

二十八年。鄭孝德。蔡世昌。在學三年。頗知文藝。所作性理論。並駢體文。俱有可觀。書法亦端楷。時琉球國王臣尚穆遣耳目官馬國器正議大夫梁煌等齎表請。

旨遣歸。部議如所請。

詔賞賜筵宴如定制。

三十七年。定琉球官生朔望拜。

廟及謁堂開封印信俱與肄業生一同行禮

嘉慶六年冊封使臣李鼎元疏稱中山王臣尚溫願遣陪臣子弟入學讀書得

旨允行至十年琉球國王遣其子弟毛邦俊向邦正梁文翼楊德昌至監本監選取優貢生陳夢蓮為教習以訓迪之並派博士慶齡吳嵩梁董率堂上官稽察如定制

十四年禮部奏准琉球官生入監讀書已逾三年應如該國王所請准其歸國

詔賞賜筵宴如定制

又冊封使臣齊鯤費錫章疏稱中山王臣尚灝願遣陪臣子弟入監讀書得

旨允行。至十六年琉球國王遣其子弟陳善繼馬執宏毛世輝梁元樞至監。本監選取副貢生黃景福為教習以訓迪之。並派博士慶齡助教金特赫博士陳世昌董率堂上官稽察如定制。時漢博士缺員。世昌甫於十七年三月到任故也。十九年禮部覆稱琉球官生到監三年期滿其

未回國以前所有一切銀米食物等項照舊由
監支領俟該國有貢使來京奏請回國再行辦
理

二十年琉球國王題請官生歸國禮部議准遣
歸照例

賞賜筵宴

附

明

嘉靖五年琉球中山王遣官生蔡廷美等四人

入學十一年歸國

續文獻通考

謹案元之啓疆最爲遼闊遠譯之臣服者紛綸於史冊而遣子入學獨未之有故綴輯止自明始第明自洪武初卽有高麗琉球中山王山南遣子入學其後來者絡繹又明史選舉志載日本暹羅皆有官生入學嗣後沿爲故事以皆在南監肄業與今國子監無涉故不詳錄

十七年琉球中山王遣梁炫等四人入國學至

二十三年歸國

同上

二十九年琉球來貢攜陪臣子五人入國學

明

外國傳

謹案明永樂時滇蜀蠻官皆遣其子弟入監然
儼內土官本屬聲教所暨則其向化來學分所
應然而當時輒詫為盛事何所見之小也又其
時太學前有交趾號舍蓋成祖設以處交趾官
生者考永樂時南交曾為郡縣非外藩入學者
比故竝從刪削焉

國子監志卷十九

辟雍志

臣等伏惟辟雍視學。漢唐以來。未有定制。元建學於燕京北城。沿及明代。建制闕如。我

朝稽古右文。

高宗純皇帝創建非常。開池作殿。邁於王雍澤宮之制。皇上臨御講筵。園橋觀聽。雍雍乎成周之上儀也。謹輯圖說建置。

視學

臨雍六卷為辟雍志。


辟雍志一


辟雍圖說

辟

雍

圖





辟雍在太學門內。距門二十一丈。南嚮。池環如壁。徑十九丈二尺。深一丈。四達以橋。橋各長四丈。間各二丈二尺。周池護以石欄。池岸設噴水龍口四。以達水。水由太學門外東西井。及六堂後檐外東西井。暗溝分注之。池內為殿基。方十一丈一尺。白石甃之。以起殿。殿頂圓。冠以火珠。宇方。檐重。覆黃琉璃瓦。殿方五丈三尺。面各三間。中央一間。方一丈一尺。四正四間。闊如之。深一丈六尺。四隅四間。方如之。九間合為一間。四面

啓門。門四扉。左右窗各四。外周以廊。深六尺八寸。柱高一丈六尺。徑一尺八寸。廊外出檐四尺三寸。柱高一丈八尺八寸。方一尺四出。陞前檐。

恭懸

高宗純皇帝御書辟雍額。

清漢文。

殿中恭懸

高宗純皇帝御書額一。曰雅涵於樂。

御製聯一。曰金元明宅於茲。天邑萬年今大備。虞夏殷

闕有聞。周京四學古堪循。乾隆五十年。南嚮。

皇上御書額一。曰涵泳聖涯。

御製聯一。曰繩武肆隆儀。仰禮樂詩書制。猶豐鎬觀。

文敷雅化。勗子臣弟。友責在師儒。道光三年北嚮。

中設

寶座。後列五峯屏。

圖說恭殿外前後槐柏四蔭池南載本志

為丹墀。左右鋪品級石三十六圓以表次。又南

為

御碑亭。碑陽為

高宗純皇帝御書新建辟雍園水工成清漢文碑記。

文恭載 碑陰為
本志建置。

御製三老五更清漢文說。

文恭載金石志說經文石刻

中為琉璃

牌樓。又南為鐘鼓亭。

謹案自古帝王建國君民教學為先。虞為上庠。夏為東序。殷為右學。周為東膠。皆謂之太學。周立四代之學。合太學為五學。太學在東。東膠又在辟雍之東。詩曰。於樂辟廡。辟雍之名始見於此。王制。天子曰辟廡。諸侯曰類宮。類泮同。泮宮者。半於天子之宮也。則辟廡為天子之學。朱註。辟。通作壁。廡。澤也。辟雍環水。天子承師問道行。

禮樂宣教化多就此行之其餘國子之學學禮者就瞽宗學書者就上庠學舞干戈羽籥者就東序學樂德樂舞樂語者就成均此以知太學非清廟成均非辟雍也三輔黃圖曰辟雍水四周於外象四海也孔氏曰水環邱如壁壁體圖而內有孔此水亦圓而內有地猶如壁然水下而地高故以邱言之以水繞邱所以節約觀者令在外也廡或作雍說文無雍有廡从广讀若儼象對刺高屋之形四方有水曰邕故从邕此

均。以。形。勢。言。之。也。鄭氏曰。辟訓明。雍訓和。所以
和。明。天。下。又。云。在。辟。雍。中。感。中。和。之。氣。韓。詩。說
辟。者。辟。取。有。德。讀。若。闢。孔。疏。謂。於。此。學。中。習。學
道。義。欲。使。天。下。之。人。悉。皆。明。達。諧。和。陳。氏。謂。明
之。以。法。和。之。以。道。曰。辟。雍。或。又。謂。辟。之。為。言。積
也。積。天。下。之。道。德。雍。之。為。言。壅。也。壅。天。下。之。殘
敗。又。謂。辟。者。法。之。所。自。出。本。之。以。為。禮。雍。者。和
之。所。自。生。本。之。以。為。樂。此。均。以。義。理。言。之。也。夫
以。水。繞。邱。則。必。以。邱。起。宮。陳。氏。謂。周。學。并。建。一

邱之上。項氏謂當代之學居中三學環之。雖義未精確。猶屬近似之詞。至大戴禮謂明堂外水曰辟雍。是妄以明堂辟雍為一。蔡邕月令論曰。取其宗廟之清貌。則曰清廟。取其正室之貌。則曰太廟。取其堂。則曰明堂。取其四門之學。則曰太學。取其周水圓如壁。則曰辟雍。是妄以廟學明堂辟雍為一。潁子容春秋釋例曰。肅然清淨。謂之清廟。行禘祫序昭穆。謂之太廟。告朔行政。謂之明堂。行饗射養國老。謂之辟雍。占雲物望。

氛祥。謂之靈臺。其四門之學。謂之太學。總謂之宮。是妄以廟學明堂辟雍靈臺為一。黷政不經。穿鑿附會。陋儒從而信之。從而述之。而本義愈晦。竊謂以水而言。當从雍。以宮殿而言。當从廟。以協和誠和而言。當从雍。周頌曰。振鷺于飛。于彼西雝。有聲之詩曰。鎬京辟廩。繼又曰。自西自東。自南自北。無思不服。可謂深切著明矣。昔舜命夔典樂以教胄子。故文王亦作樂於學。蘇氏引莊周以文王有辟雍之樂。遂以辟雍為樂名。

然范氏說靈臺詩云。於論者嘆其鐘鼓得倫理也。於樂者嘆其以樂教胄子於辟雍為可樂也。教不廢樂。作樂於辟雍無可疑者。聖人感人心而天下和平。不信然歟。我

朝

列聖相承。禮明樂備。

高宗純皇帝因心作則。集千古聖人之聖之成。即集千古聖人之政之成。議禮制度考文。以奠倫之堂。可謂之學。而不可謂之辟雍。以天子講學於藝

倫堂。可謂之視學。而不可謂之臨雍。乃作

辟雍作

辟雍殿。復古而不泥古。循名而必務實。

聖謨洋洋。日星炳煥。隆禮由禮。創建非常。池圓象德。圓

殿方象行方。是體天地之撰。是立規矩之極也。環

以水。達以橋。則合於水圓如璧之說。麗以穹宇。

闢以四門。則合於王雘澤宮之說。

法駕幸臨。

闡宣道蘊。則合於行禮樂宣教化之說。

親詣釋奠過

御講帷則合於天子視學先祭先師先聖遂適東序
之說雅奏中和聽觀丕變則合於於論鼓鐘於
樂辟雍之說煌煌堂堂巍巍翼翼舉元明以來
未舉之典備唐虞三代未備之規

正東漢三雍非正之制

開三老五更杜撰之說彼董子所云五帝之學為成均
賈誼所云三王之學為辟雍者固可存而不論
即禮統謂辟雍內如覆孟外如偃盤禮書謂辟

雍圓而函方。有陰陽之義者。亦止言辟雍。而不
言辟雍殿。是止知辟雍。而不知古辟雍有殿。方
今

重光

續

結。

懋典時循。化澤誕敷。聲教四訖。億萬年無疆。惟休。天
下後世共知。彝倫堂為國學。為太學。而

辟雍為天子之學。將文王在郊之辟雍。武王在國

之辟雍。尚未足以語於斯矣。區區養孤習射。實
老云乎哉。謹綴文集說以揚

典章之盛。


琉


璃

牌

樓

圖






琉璃牌樓。在池南。三間通面。闊七丈四尺。高四丈。南面北面正中。恭奉

高宗純皇帝御書額。曰圓橋教澤。曰學海節觀。

御碑亭



御碑亭分列琉璃牌樓北角。每座四間。四面各顯三間。內明間闊八尺二寸。次明間各面闊六尺。柱高一丈四尺五寸。重檐周阿。有堵。有欄。覆以黃琉璃瓦。周基甃以白石。中豎石碑二。東為

高宗純皇帝御製國學新建辟雍園水工成碑記漢文

碑。西為清文碑。南嚮。

文恭碑陰東為

御製三老五更說清文碑。西為漢文碑。北嚮。

文恭載金石

志說經其清文碑左旁。恭勒

御題張廷玉三老五更議。


恭載卷首右旁。刻董誥書張

廷玉原議。

文載藝文志均乾隆五十年。


奏議。

鐘鼓亭




鐘鼓亭。分列琉璃牌樓南角。每座一間。各見方一丈四尺。柱高一丈。臺露明。高五尺。覆以黃琉璃瓦。甃以白石。東置鼓。西懸鐘。

鼓



鼓木匡。冒以革。長五尺。面徑二尺七寸。中圓加
三之一。承以架。高五尺三寸。

鐘



鐘。范銅為之。高五尺。上圓徑二尺三寸。中圓徑二尺五寸。下圓徑二尺八寸。口圓徑三尺一寸。厚二寸五分。紐高一尺。架木而懸之。

聽

講

班

次

圖


國子監志


卷十九

辟雍圖說

十七

東 十 班





班 十 西

聽講班次在園橋之南東第一班率性堂誠心堂崇志堂肄業生第二班守部進士有職貢監生廕生在樹內甬道東第三班左翼宗學第四班左翼幼官學第五班東四旗覺羅學第六班咸安宮學第七班算學教習及候補滿漢教習第八班八旗貢監生生員均在樹南甬道東第九班算學肄業生第十班東四旗官學生在牌樓南之東以上為東班西第一班修道堂正義堂廣業堂肄業生第二班各省舉人在樹內甬道

西第三班。右翼宗學。第四班。右翼幼官學。第五班。西四旗覺羅學。第六班。

景山官學。第七班。校錄各館。膳錄。第八班。各省貢監生生員。均在樹南甬道西。第九班。俄羅斯學。第十班。西四旗官學生。在牌樓南之西。以上為西班。其聖賢後裔觀禮諸生。分為二班。在六堂肄業生之前。遇有外藩使臣觀禮。其班次在甬道西百官之末。

謹案班次圖。遵照道光三年

欽定本監則例恭載